

邵陽縣志



邵陽縣志卷十

雜志

祥異

兵事

方技

流寓

仙釋

書畫

庶務

藝文

雜記

拾遺

夫璘儀麗軌則象垂於上嶽瀆交壤則位奠於下物相雜故成文殆雜志所由昉乎州郡之書萌芽史體自好事者轉相綴述見聞歧出條例各異苟其休咎攸寄勸誠足採雖繁辭俚事未可刪也雜志第十

和氣致祥乖氣致異神明徵應豈偶然哉 宋熙甯八年四月水溢壞官私廬舍淳佑五年水淹狀元洲至正八年五月壬子大水明洪熙元年五月暴風雨七晝夜水驟長平地高六尺成化十八年大水嘉靖三十六年三十九年四十年均大水萬歷三十六年大水四十五年大水漂去青龍橋舟從女牆入城壞民居無算崇禎八年大水 國朝順治

三年大水四年六月大水漂去青龍橋蕩沒民居康熙二十三年五月大水壞田廬漂去青龍橋雍正四年五年六年均大水乾隆四十五年大水嘉慶二十一年四月大水舟從東門至曹婆井二十三年四月大水道允十八年龍山蛟出水漲毀青龍橋二十四年二十八年邵水竝暴漲咸豐八年五月龍山蛟出水漲數丈淹沒田廬同治二年四月十六日隆回山水暴漲壞田舍無數八年四月龍山蛟出山田多沒六月槎江水漲二丈餘自仙槎橋以下村落圯毀無算十一年四月大水淹沒田廬光緒二年五月中鄉三都牙塘衝蛟出山田多沒蒸水漲數丈以上水元至元六年十二月大雪嘉靖十三年十一月雪深三四尺 國朝嘉慶十六年冬大雪深五六尺道光十二年十二月大雪平地積二

巨尺冰堅利行春始霽咸豐十一年十二月大雪苦寒近凍柳欄橋柚
皆死同治四年正月大雪以上雪順治十八年三月大雨雹康熙十九年
大雨雹屋瓦多碎木折枝牛有折角者嘉慶十九年隆回鄉雨雹二十
二年三月雨雹大如彈丸道光八年三月大雨雹十年隆回鄉雨雹十
三年三月南鄉雨雹十七年東鄉三溪里雨雹二十三年四月大雨雹
折樹損麥二十四年四月南鄉雨雹二十九年三月萬安都雨雹損秧
咸豐四年三月南鄉雨雹四月東鄉烈風雨雹五年三月尙賢溫里
大雨雹七年三月東鄉雨雹同治八年二月安平新甯里雨雹四月大
風雨雹九年三月東鄉龍山雨雹八月二日洪仁里雨雹損穀以上雹明
天啓元年雷震府學移鄰署鴟吻於明倫堂泮池赤鯉飛起來年雷震

北塔角崇禎十一年雷震大雪 國朝順治八年六月雷震東山寺民居壓死十六人髭髮俱焦十二年十二月寶慶雷震徹夜洪承疇具疏自劾乾隆二十八年三月雷震府學大成門四柱斧跡宛然道光二十一年雷震東鄉劉艾氏宅後古槐煙三日不絕咸豐年伏雷震縣學柱十年雷震北塔同治九年八月三日雷震南鄉廖家橋擊捕蝦蟆者三人剖腹劈背屍俱黑以上雷咸豐七年八月蝗入縣境食樓竹葉知縣周玉衡掘蟥子三千餘石明年春大雨不爲災蟥明嘉靖三十一年邵江有青龍浮水上 國朝同治九年南鄉有民婦見巨蛇於圃驚遂有身既而產蛇二卵數十以上龍蛇之孽康熙九年正月尹之統妻盧氏一產三男同治元年隆回鄉村婦生子有長齒面有毛聲如猿首堅如石其家

懼而殺之二年隆回鄉民婦生子形若兩人面背相連越日死

以上人病

明正德十二年大疫 國朝道光十六年夏秋大疫

以上疫 咸豐四年南

鄉陳氏彘生五子一三足一三眼一鼻如象六年北鄉廖氏生豕無頭

足無毛肉白膩重十餘觔

以上豕禍

咸豐元年三月雨黑水色如淡墨同

治九年南鄉雨黑水

以上黑膏

嘉慶五年六月星隕隆回鄉聲如雷至地

化爲石堅如鋼光燦然

隕石

明嘉靖六年寶慶火四十八年火焚城東

民舍數百間天啓二年火六年大火崇順九年大火 國朝康熙七年

火燬青龍橋二十年大火燬民居五百家乾隆五十八年火延燒數十

家嘉慶十一年夏寶慶硝藥局災十九年南鄉五峯鋪火燬店數十間

道光二十五年六月戊午縣署右街及打信巷火燒七十餘家十一月

辛巳東郭外火燔二十餘家咸豐二年正月天符廟火九年四月十二日粵寇至燬城外民廬自東郭迄三舖河街書院文廟與焉六月十七日五峯市火延燒市店百餘間同治五年十月十四日東郭外河街火延燒七十餘家十一月十六日東郭外河街火十年九月丙辰城東門火燔七十餘家十一月壬辰城東門外火延燒青龍橋一舖正街及河街至縣學訓導署焚百七十餘家以上火唐天禧元年四月邵陵竹穗如米可食宋大中祥符三年六月邵州芝草生明嘉靖二十二年指揮姚武家池中產竝蒂白蓮二莖二十五年舉人康正宗家產靈芝三本崇禎十一年秋寶慶署東壁軒梅根產靈芝一本知府陶琪琪題其軒曰瑞華 國朝順治十八年愛蓮池產竝頭蓮一莖次年復產雍正八年產

嘉禾一莖九穗道光二十五年愛蓮池產竝蒂蓮咸豐二年南鄉唐世綬家產靈芝三年四月東鄉麥秀兩歧或三四歧四年隆回竹實六年三溪鄉黃曜東家產芝七年北鄉白水洞竹穗如米八年玉黍結實如人形及蛇馬鳥鼠刀鎗狀折之皆黑灰三溪鄉黃氏池中開竝蒂蓮同治三年愛蓮池產竝蒂蓮六年南鄉莫家山下梔塘產竝蒂蓮七年唐世綬家開三蒂蓮生員粟硯田家產芝八年麥秀兩歧九年亦然東鄉岳氏山產芝雞籠山亦產芝二本同治四年龍山兩黑豆可食入土苗寸許乃萎六年西坪鄉大富坪諸村亦雨黑豆以上皆異瑞禾乾隆二十三年有鳥集文昌閣大如雞身黑首類雉俄飛鳴去咸豐五年南鄉民獲大鳥重二十餘觔毛黑喙足如鷄又三溪鄉崇山場民獲巨鳥重十餘

斤烹食甚辛

以上羽蟲之孽

宋政和四年五月邵州海棠連理梨橘十四本

皆連理知邵州陳仲孫繪圖以獻榜其堂曰集瑞 國朝道光二十五

年富陽鄉楊氏宅有銀杏七烏柏二皆連理西坪鄉漁溪連理木三一

在和尙壩其木榆一在劉氏塋其木松一在柳山其木柳東鄉陂町村

有連理杉一六塘衝有連理冬青四咸豐八年南鄉桐實如刀戟形

以

上木妖

乾隆八年正月大冰樹木折仆而雪不盈寸

木冰

明洪熙元年五

月風雨七晝夜萬歷十六年春夏淫雨山崩木仆崇禎十五年淫雨彌

旬五月猶寒 國朝道光十一年九月至十月淫雨不休二十一年三

四月淫雨連旬二十五年自立春至清明陰雨五十餘日二十八年七

月苦雨兼旬水漲禾生耳是歲歉明年大饑咸豐十年三月閏三月四

月陰雨六十餘日

以上複雨

同治八年開化鄉神山廟邨有小鼠隨貓行

二十餘日

鼠孽

梁大通四年二月丙辰邵陵縣獲白鹿明崇禎十七年

虎入城

國朝嘉慶二十四年東鄉有虎食一家母子三人同治元年

邑多虎九年隆回鄉虎食村民三十餘人

以上毛蟲之孽

明崇禎十五年以上

賢鄉石躍於田行數步止

國朝道光二十六年鄔潭石壁裂數十丈

以上石妖

明嘉靖三十年五月十九夜有流星自東而南白光如電聲

疾如雷

國朝順治十三年見流星尾白長數丈自東而西聲如雷十

八年大星起於西南小星數千隨之白氣如帶有聲如雷道光二十四年東北白氣亘天二十八日三十日西南有白氣蜿蜒數丈其光如電其聲如雷同治九年四月十三夜東南有流星動盪頃刻長大如

柱色白直貫西北形如大光如月十一年七月二十日酉時西方流星
大數尺長一二丈白光耀戶以上白書明崇禎八年大風吹去青龍橋屋
數十間 國朝道光八年三月大風拔木毀屋無數咸豐七年三月東
鄉暴風折大木圯民居十一年四月怪風自西而南掀穫稻坪半里許
始落摧巨木廬舍至半里外同治九年四月東鄉大風拔木毀屋民有
壓死者以上風明崇禎十一年八月郡署梅花瓶中桂復生蕊葉 國朝
道光十四年冬南鄉桐花咸豐十一年冬東鄉桃實同治九年冬富陽
鄉李實味苦以上花妖元至順元年青蟲食禾稼明正德十一年蟲殺禾
國朝順治十六年稼生騰康熙十一年六月螟食苗葉不損穗同治
五年蟲食松松多萎蟲赤首身黃黑有毛以上蟲咸豐二年隆回鄉產牛

二尾八足重二十餘斤

牛鵬

明正德四年地裂嘉靖四年地震泉溢崇

禎四年七月十一夜地震瓦有聲少頃復震五年正月地震 國朝道

光十二年中鄉地震咸豐八年五月二十六夜北鄉下耶溪地震咸豐

間東鄉黃陂橋山麓地陷數丈泉湧出不竭地震

以上詳異

世無常夷道不恆泰黎元何罪淪此鋒鏑荊棘之生咎有屬矣漢昭烈

帝章武二年零陵北部都尉習珍聞孫權襲殺關羽舉兵應漢弗克死

之

楚紀

晉懷帝永嘉五年湘州流人杜弢據長沙反南破零陵邵陽太

守鄭融遇害

晉本紀

和帝中興元年邵陵人逐內史褚洊以應台軍 敬

帝紹恭元年正月邵陵太守劉棻將兵援江陵至三百里灘部曲宋文

徹殺之帥其衆還據邵陵二月劉棻故主帥趙朗殺文徹以邵陵歸於

王琳

通鑑

唐肅宗乾元二年邵陽沈行敏作亂尋討平之代宗廣德

二年西原蠻落純侯夏永等內寇陷邵州留數日去

唐書西原蠻傳

僖宗乾

符六年黃巢自桂州來破潭州其黨分掠邵陽縣人鄭明結鄉兵於白

蓮砦禦之兵敗遇害

道光府志

光啓二年石門峒酋向瓌作亂與衡州刺

史周岳合復結梅山十峒蠻斷邵州道欽化軍節度使閔頊

方鎮表中和三

年升湖南觀察使爲欽化軍節度使

討之中伏死岳遂入潭州自稱欽化軍節度

使邵州刺史邵處訥謀以州兵討岳勵甲訓兵積八年結朗州刺史雷

滿爲援攻斬岳詔拜處訥武安軍節度使

昭宗改欽化爲武安

未幾劉建鋒

馬殷引兵至醴陵處訥遣邵州豪傑蔣勳鄧繼崇將兵禦之扼龍回關

在善化縣東疊峯拔峙如城中僅通一路今名關山

殷先遣使說勳降勳衆畏建鋒虐

皆棄甲走建鋒至卽用邵人旗鎧纓鎧趨潭州守者納之軍入處訥方宴執而殺之奉表京師詔拜建鋒檢校尙書左僕射武安節度使蔣勳求爲邵州刺史不許以爲武岡指揮使勳怒率鄧繼崇攻湘鄉取邵州進壁定勝

在今邵陽界

二年建鋒遣殷擊之拔定勝壁進圍邵州三年建

鋒爲部將陳瞻所殺瞻迎張佖爲留後時殷攻邵州未下佖諭諸將曰馬公勇而有謀寬厚樂善吾所不及真乃主也乃以牒召殷讓爲留後自爲行軍司馬代殷攻邵州四年克邵州擒勳斬之

鄧處訥傳張佖傳通鑑紀

事本末

梁末帝貞明四年梅山蠻寇邵州守將樊須擊走之

通鑑十國春

秋

唐明宗天成四年三月梅山蠻寇邵州

通鑑

宋太祖時梅山

蠻寇邵州之武岡潭州之長沙李繼隆領隆武卒三百戍邵州

宋史梅山

蠻傳

太宗太平興國二年秋梅山蠻扶漢陽寇邊界以石熙載知潭州

又命客省使翟守素及田紹份調潭州兵及諸州屯兵討之紹份至邵

州適漢陽死進軍大敗之擒蠻卒二萬

宋史田紹份傳

仁宗景祐四年發邵

澧潭三州駐泊兵討安化州蠻

宋史本紀

至和二年湖南轉運使李絢至

邵州戒諸部按兵無得動使人諭蠻以禍福蠻罷兵受約束

宋史李絢傳

嘉祐三年武岡蠻反知邵州郭遠討平之

宋史郭遠傳

高宗紹興二年四

月知邵州曹成寇陷賀州命岳飛權知潭州飛擊敗成奔連州飛令

張憲自賀連徐慶自邵道王貴自郴桂會連州擊成破之成走郴州入

邵陽五月韓世忠遣董敦招成遂聽命赴行在

宋史本紀岳飛傳

十一月湖

廣宣武使李綱遣吳錫擒羣賊王俊於邵陽

宋史本紀康熙府志

光宗紹熙

五年五月辰州蠻侵邵陽湖南轉運判官何異知潭州朱熹討降之何

異傳朱熹傳

恭帝德祐二年

元世祖至元十三年

正月元阿里海牙取潭州遣

使徇寶慶通判曾如驥死之

宋史本紀元史阿里海牙傳

端宗景炎二年三

月張虎起兵寶慶府環邵爭應之

宋史

元世祖至元二十五年詹一

仔誘衡永寶慶武岡人作亂據四望山湖南行省劉國傑討平之

元史

本紀順帝至正七年九月瑤賊吳天保復陷武岡進兵寶慶遮殺湖廣

行省右丞沙班於軍中

元史本紀

十二年七月湘鄉賊陷寶慶路湖廣

元帥副使小云失海牙總管兀顏思忠復寶慶路

元史本紀

二十五年

正月吳大將軍徐達遣萬戶胡海取寶慶路擒元帥唐隆道鎮撫李貴

元史明史本紀

天政紀開國功臣紀

六月湖廣行省左丞周文貴復寶慶路吳指揮

使賀興隆死之

元史本紀賀興隆傳按文貴邵陽人本陳友諒右丞張彬下鄉鄉遁走寶慶至是

起兵中鄉奉元正朔復寶慶路東援永州南連廣西出沒辰濱間

明太祖洪武元年正月

湖廣行省平章楊璟遣千戶王庭攻寶慶敗周文貴於茱萸灘追至城

下文貴遁城潰取之

明大事記康熙府志

景帝景泰八年城步苗掠邵陽

千戶楊海清率其妻及親兵戰於龍王橋兵敗皆死

明一統志

世宗嘉

靖三年流寇入邵陽郡守委胡景隆領民兵擊之至燕子巖衆潰被害

康熙府志

按嘉慶武岡志此流寇爲李政

十年流寇劫邵陽義民賀冕率弟姪福

璋祥力戰死之

康熙府志

二十年縣開山塘李成賢以幻術煽衆作亂

朱志清彭珊結民兵討之敗死成賢復結廣西瑶元溪諸賊及武岡峒

民謀攻城縣人劉溥洛擒斬之

明一統志康熙府志雙清亭石刻檀山劉氏譜

三十